

SAKSPAPIR

Saksnr	Utval	Type	Dato
011/23	Formannskapet	PS	15.02.2023
	Heradsstyret	PS	
012/23	Ungdomsråd	PS	13.02.2023

Saksbehandlar	ArkivsakID
Linda Judith Svidal Nordås	21/2755

Søknad om kommunal tilskot og garanti for lån - Furubakken idrettsplass

Vedlegg:

Søknad om kommunalt tilskot og kommunal garanti Furubakken Kunstgras

Dokumentasjon finansiering

Møtebok HS 15.03.2006

Rådmannen sitt framlegg til vedtak:

Valestrand Hjøllvik Fotballklubb får midlertidig avslag på sin søknad om kommunalt tilskot til rehabilitering av kunstgrasbana på Furubakken Idrettsplass.

Valestrand Hjøllvik Fotballklubb får innvilga sin søknad om kommunal garanti på lån for å rehabilitere kunstgrasbana på Furubakken idrettsplass, kroner 4 773 526, forutsett at garantien vert godkjent av departementet, jf. Kommuneleova § 14-19 og Forskrift om garantier og finans- og gjeldsforvaltning i kommuner og fylkeskommuner kapittel 1.

Det vert stilt som vilkår at søknaden om spelemidlar vert fornya årleg i tråd med regelverket. Det er ikkje eit krav at Valestrand Hjøllvik Fotballklubb har fått tildeling av spelemidlar for at garantien skal vere gyldig.

Valestrand Hjøllvik Fotballklubb får innvilga sin søknad om kommunalt tilskot til rehabilitering av den kommunale kunstgrasbana på Furubakken Idrettsplass, kroner 500.000,-.

Vidare får Valestrand Hjøllvik Fotballklubb innvilga sin søknad om kommunal garanti på lån for denne rehabiliteringa, kroner 4 273 526, forutsett at garantien vert godkjent av departementet, jf. Kommuneleova § 14-19 og Forskrift om garantier og finans- og gjeldsforvaltning i kommuner og fylkeskommuner kapittel 1.

Det vert stilt som vilkår at søknaden om spelemidlar vert fornya årleg i tråd med regelverket. Det er ikkje eit krav at Valestrand Hjøllvik Fotballklubb har fått tildeling av spelemidlar for at garantien skal vere gyldig.

Bakgrunn:

Kunstgrasbana på Furubakken Idrettsplass er utvilsamt kommunal: Den er 2/3 på gnr./bnr. 137/115 og 1/3 på 137/5, både to Osterøy kommune sin eigedom. Vidare har VHFK hatt ein avtale om drift og vedlikehald av bana med Osterøy kommune sidan 2006 som er kanskje det sterkaste provet på at kommunen oppfattar det som sin eigedom.

Av årsaker som ikkje høver i denne grunngjevinga bidro ikkje Osterøy kommune økonomisk til bygging av bana i si tid og det opplevast som rimelig at han gjer det no når dekket treng utskifting, mellom anna fordi bana fungerer som skuleplass for Valestrand barneskule og mykje av slitasjen skuldast denne funksjonen.

Tilskot og kommunal garanti vil sikra kommunen sine interesser og ivaretaking av eit viktig anlegg som både fremjar folkehelsa i Valestrandsområdet og leik for skuleborna i friminutta.

Tilskotet vert finansiert med å utvida ramma for investeringar på 2023-budsjettet med 500.000,-

Formannskapet - 011/23

FS - behandling:

AVRØYSTING:

Hjalte H. Gislason, H, sitt framlegg vert samrøystes vedteke.

FS - vedtak:

Valestrand Hjellvik Fotballklubb får innvilga sin søknad om kommunalt tilskot til rehabilitering av den kommunale kunstgrasbana på Furubakken Idrettsplass, kroner 500.000,-.

Vidare får Valestrand Hjellvik Fotballklubb innvilga sin søknad om kommunal garanti på lån for denne rehabiliteringa, kroner 4 273 526, forutsett at garantien vert godkjent av departementet, jf. Kommuneleia § 14-19 og Forskrift om garantier og finans- og gjeldsforvaltning i kommuner og fylkeskommuner kapittel 1.

Det vert stilt som vilkår at søknaden om spelemidlar vert fornya årleg i tråd med regelverket. Det er ikkje eit krav at Valestrand Hjellvik Fotballklubb har fått tildeling av spelemidlar for at garantien skal vere gyldig.

Bakgrunn:

Kunstgrasbana på Furubakken Idrettsplass er utvilsamt kommunal: Den er 2/3 på gnr./bnr. 137/115 og 1/3 på 137/5, bår to Osterøy kommune sin eigedom. Vidare har VHFK hatt ein avtale om drift og vedlikehald av bana med Osterøy kommune sidan 2006 som er kanskje det sterkaste prøvet på at kommunen oppfattar det som sin eigedom.

Av årsaker som ikkje høver i denne grunngjevinga bidro ikkje Osterøy kommune økonomisk til bygging av bana i si tid og det opplevast som rimelig at han gjer det no når dekket treng utskifting, mellom anna fordi bana fungerer som skuleplass for Valestrand barneskule og mykje av slitasjen skuldast denne funksjonen.

Tilskot og kommunal garanti vil sikra kommunen sine interesser og ivaretaking av eit viktig anlegg som både fremjar folkehelsa i Valestrandsområdet og leik for skuleborna i friminutta.

Tilskotet vert finansiert med å utvida ramma for investeringar på 2023-budsjettet med 500.000,-

Saksopplysningar:

Saksopplysningar:

Valestrand Hjøllvik Fotballklubb har søkt Osterøy kommune om kommunalt tilskot på minimum 50 % av spelemidlar, kroner 500 000, samt kommunal garanti for låneopptak, kroner 3 500 000. I ein e-post av 07.11.22, presiserer klubben at ved avslag på tilskotssøknad, aukar summen ein søker garanti for, til 4 000 000. Gjennom arbeidet med å godkjenne årets spelemiddelsøknad, endra kostnadsbildet seg. Venta spelemiddeltildeling og momskompensasjon auka, noko som medførte at summen Valestrand Hjøllvik søker garanti for auka til kroner 4 258 821.

Låneposten skal dekke følgjande summar i finansieringsbeviset:

Post	Sum	Kommentar
Lån	1 358 821	
Kommunalt tilskot	500 000	Vert omgjort til lån ved avslag på søknad
MVA kompensasjon	1 214 705	Vert teke opp som lån fram til utbetaling
Spelemiddel	1 700 000	Vert teke opp som lån fram til utbetaling
	4 773 526	

Administrasjonen arbeidar per i dag med å legge fram forslag til prosess for «Eigarskapsmelding for idrettsanlegg». Dette fordi arbeidet med Kommunedelplanen for Idrett og fysisk aktivitet har vist at praksisen til Osterøy kommune knytt til eigarskapet til anlegg har bruk for oppdatering og politisk forankring. Før denne eigarskapsmeldinga er vedteke, vil ikkje kommunen kunne behandle søknader om tilskot til idrettsanlegg. Dette fordi eigarskapet til eit anlegg (om kommunen eller laget eig anlegget) har innverknad på om eit tilskot skal gjevast over drifts- eller investeringsbudsjettet. Dette er ei eiga sak, som krev grundig behandling, i dialog med idrettslagene og andre involverte parter.

I Kommunelova § 14-19 står det at «*Kommuner og fylkeskommuner kan ikke stille kausjon eller annen økonomisk garanti for virksomhet som drives av andre enn kommunen eller fylkeskommunen selv, hvis garantien innebærer en vesentlig økonomisk risiko*». Rehabiliteringa er på handlingsprogrammet for tildeling av spelemidlar, og det er høg sannsyn for at MVA kompensasjon vil bli gjeve. Det betyr at den reelle garantien i løpet av ein fireårsperiode er redusert til lånet på 2 063 750, eventuelt 1 563 750 dersom søknad om tilskot vert innfridd i løpet av 2023.

Bakgrunn

Valestrand Hjøllvik Fotballklubb skal rehabilitere kunstgrasbana på Furubakken idrettsplass. Dei grunngjev søknaden om tilskot på kroner 500 000, som er på 50 % av spelemiddel tildeling, slik:

- Furubakken er ein del av ein kommunal skule med tilhøyrande bruk og slitasje.
- Furubakken fekk ikkje kommunalt tilskot i 2006 ved etablering av dagens dekke.

Rådmannen viser til vedtak 019/06, der det vart gjort vedtak om avslag fordi kravet på den tid om idrettsfunksjonell førehandsgodkjenning ikkje var innvilga.

Det er ikkje grunngjeve spesifikt kvifor klubben ynskjer kommunal garanti på lån.

I tidlegare og tilsvarande saker, ser det ikkje ut som at kommunen står ansvarleg for renter og omkostningar. Det er viktig i denne og framtidige saker at klubbar, lag og organisasjonar vert behandla likt. Det er difor ikkje teke omsyn til spesielle forhold hos Valestrand Hjøllvik Fotballklubb, som deira klubbøkonomi, i behandlinga av søknaden. Rådmannen vurderer at dersom ein trekker inn dette, vil det kunne medføre at ressurssterke klubbar får ein fordel i sin anleggsutvikling.

Vurdering

Rådmannen vurderer at ein på noverande tidspunkt ikkje bør ta stilling til søknad om tilskot grunna uklarheiter om eigarskap til idrettsanlegg. Søknadssummen på 500 000 er difor inkludert i summen klubben søker garanti for.

Ang søknad om garanti, er det krav i «Forskrift om garantier og finans- og gjeldsforvaltning i kommuner og fylkeskommuner, § 2, at følgjande må vere vurdert og gjeve informasjon om, i vedtaket:

- A. Garantien er stilt for Valestrand Hjellvik Fotballklubb.
- B. Formålet for garantien er rehabilitering av kunstgrasbana på Furubakken idrettsplass.
- C. Det er stilt garanti for lån.
- D. Maksimalt beløp for garantien er kr 4 773 526 . Beløpet vert venta redusert med kr 1 214 705 når MVA kompensasjon vert utbetalt, og kroner 1 700 000 når spelemidlar vert tildelt. Dersom det vert gjort vedtak om kommunalt tilskot på eit seinare tidspunkt, oppad avgrensa til 500 000, vil beløpet verte redusert tilsvarande.
- E. Garantien gjeld frå 010123. Garantien opphøyrer når lånet er nedbetalt, og seinast 31.12.37.
- F. Vedtaket må godkjennast av departementet etter KommuneLOVA § 14-19.

Lånets hovudstol er på 4 773 526. Det vert ikkje gjeve garanti for renter og omkostningar. Dette fordi det ser ikkje ut som det har vore praksis for å gje garanti for renter og omkostningar i tidlegare, tilsvarande saker.

Osterøy kommune tek atterhald om at søknad om spelemidlar vert fornya årleg i påvente av tildeling. Det er ikkje krav om tildeling av spelemidlar i 2023.

Søknad om spelemidlar vart godkjent av Vestland fylkeskommune 170123, med mindre endringar som ikkje påverkar lånet sin hovudstol. Det betyr at rehabiliteringa er vurdert til å vere fullfinansiert, og at Valestrand Hjellvik Fotballklubb har midlar til å gjennomføre arbeidet.

Folkehelse

Det er hensiktsmessig at innbyggjarane i ei bygd på Valestrand sin storleik, har tilgang på eit idrettsanlegg som er oppdatert i samsvar til krav.

Miljø

Noverande banedekke er gummigranulat. I «Forskrift om begrensing av forurensing» § 23A, er det sterkt anbefalt, men ikkje eit krav, at det vert brukt anna type banefyll. Administrasjonen er kjent med at Valestrand Hjellvik Fotballklubb ikkje endeleg har valt fylltype, og anbefaler på det sterkaste at dei ikkje vel gummigranulat. Administrasjonen vurderer imidlertid at det er for seint i prosessen å stille krav om dette.

Økonomi

På bakgrunn av uavklarte eigartilhøve for Furubakken, anbefaler rådmannen at det vert gjort eit midlertidig avslag på søknad om tilskot som kan vurderast på nytt i løpet av 2023.

Søknad om garanti vert innvilga, forutsett godkjenning frå departementet. Garantien gjeld berre for lån til bytte av kunstgraset på Valestrand Hjellvik Idrettsplass.

Konklusjon

Søknad om tilskot til rehabilitering av kunstgrasbane på Furubakken, kroner 500 000, vert midlertidig avslått i påvente av eigarskapsmelding for idrettsanlegg.

Søknad om garanti for lån vert innvilga, og sendt til departementet for endeleg avgjersle.
Søknadssum kroner 4 773 526, inkludert tilskotssøknaden.